

COLLOQVIVM.

*Fulmina, telluri presso signavit aratro,
Et primam cinxit turrutis mœnibus urbem.*

*Thau. At cui sublati ad cœlum molibus altum
Magnificè erecta hac moles inscribitur ingens,
Insignis titulis, insignibus argumentis?*

*Pan. Illi: Europaum lato qui temperat orbem
Imperio, in terris & qui dat iura secundis
Auspicijs felix, magno Max Emiliano
Induperatori, cingunt cui tempora lauri
Victrices. his & qui sunt de stirpe creati
Magnorum Heroum, claris natalibus orti.
Quos penes est summam rerum, imperijq; referre
Heroa ad virtute gravem, queis, prima potestas
Designare, humeris cuius operosa recumbat
Magnarum rerum moles, qui sceptrâ, coronâmq;
Inuictus gerat, & magni molimina Turcæ
Contundat, validis armis arma impia frangat.*

Thau. Quis posuit precor hoc opus immortale? quis au-
Pan. Illi sunt, ante memoravi nomina quorum, (etor?

*Quos repetam meritò digni: præclarus, uterque
Arte Nouellanus, bonus Hogebergus. Thau. at istis
Hac quis tam viuis simulachra coloribus aptè
Depinxit, pulcreq; stylo illustravit acuto?
Quis vel imaginibus latum hunc afflauit honorem?*

*Pan. Quis rogitas? est qui Graio Latioque cothurno
Fuscus insignis, per amœna vireta, per hortos
Aonidum ingreditur, dulces ante omnia Musæ
Cui cordi, citharâmq; dedit cui Phœbus eburnam.*

*Thau. Ergo, quod nobis, serisq; nepotibus, isti
Tantarum auctores rerum, voluere Panopte
Consultum bene, & hunc tantum impertire laborem,
Et nos his cumulare bonis, ingentibus, amplis,
Perpetuis, villo morituris tempore nunquam,
Præmia digna ferent meritis pro talibus, altus
Jupiter his dabit, æternum ut per secula currant
Omnia, & obscura subducat nomina leto.*

*At nos, Posteritasq; simul ventura, vicissim
Carmina perpetuò, toto resonantia cœlo,
Dicemus lati, tanto & pro munere largis
Laudibus in terris meritos tribuemus honores.*

ALEXANDER GRAPHEVS
CANEBAT.